



欽定四庫全書

本泉寺



釋良忠述

3083
149682

觀經散善義傳通記卷第一

本曰 從此下至一門之義

鈔四
十二

釋云 仁來

第一解十三觀已竟自下第二料簡九品中三一從此下至一門之義總標二就此下至下輩一門之義竟正釋三前明下至正宗分竟總結全則其初也

本日就此下至差別義意竟

釋云上來第一解總標已竟自下第二釋中二文前略解三福差別二十四就上輩下正釋九品

經文今則初也於中有三謂標釋結起盡可見標
中就此義中即有其二者此標子段而略大科具
足應云就此義中即有其二一文前略解二正釋
文初略解中亦二一明三福二明九品文易知故
略而不叙二明三福以爲正因等者三福九品只
是開合雖無其別然三福名正因九品名正行者
順文順理順文者經說三福云淨業正因說九品
云行此行者汝行大乘故因行名全順經文順理
者三福正因機未行故不名正行因果相對立正

因名九品正行正明受法機已行故名爲正行問
何故料簡正宗分中以序三福用對正行雙標之
耶荅全欲正解九品文時引來序分而合正宗令
知九品從三福開始下文中以九品行合序三福
問三福正因與三心正因九品正行與五種正行
同異如何荅三福正因即是起行三心正因即是
安心心行雖異俱往生因故名正因三福正因經
文自說三心正因大師義立也又五種正行九品
正行俱雖起行然其義別謂九品正行對於輪迴

邪業。總以往生業因名爲正行。未分正雜。總名正行。五種正行。對諸雜行別以親近名爲正行。又曲論者互有寬授。應作四句。一者自有九品正行。而非五種正行。謂上六品正行是也。二者自有五種正行。而非九品正行。謂觀察正行是也。三者自有通二正行。謂稱名正行是也。四者自有非二正行。謂除前相十方淨土觀史多天聖道。行業是也。凡上六品正行。一度得正行名。讀誦等四正行。二度得正行名。稱名正行。三度得正行名。稱名超餘其

義可知。云第一福即是世俗善根者。劫初已來風俗之善。名世俗善。廣韻云三十年爲一世。時代也。俗習也。風俗也。淨業記云。俗謂風俗習也。云曾來未聞佛法者。約未聞機解。世善體。亦通已聞。具如玄記云。但自行孝養者。世行孝道是自然道。不待諭也。玄義分云。自然行孝與今不殊。孝養是總五常。是別身備五德。則成孝道故也。仁義禮智信者。育物名仁理。於是是非名義守。上下義曰禮。知於古全理。亂理。壯曰。誓言不違行曰信。五行大義云。五

常仁義禮智信也行之終久恒不可闕故名爲常
以此能成其德故云五德殺非仁盜非義姤非禮
酒非智妄非信愍傷不殺曰仁清察不盜曰義防
害不姤曰禮持心禁酒曰智非法不言曰信此五
不可造次而舒鈔批大同第二福者此名戒善者此
通大小故云人天聲聞菩薩等戒上十品戒唯局
大乘中二品戒唯局小乘云或有具受不具受等
者如序分記但能等者揔明戒福得生之義云第
三福者名爲行善者揔論三福皆應名行是故經

云當修三福行世仁慈釋云單行世福單行戒福
又云戒行精強而限第弔名行福者世福者本非
出離行戒福止善而非行善故不名行第弔福者
大乘行善故局得名或揔屬別名謂世與戒各有
別名第弔福者更無別名故從揔名別稱行福云
發大乘心凡夫自能行十等者此舉行福四行發
大乘心凡夫是指發菩提心自能行十則指深信
讀誦二行兼勸有緣亦指勸進行者所以發心置
凡夫言顯下三行亦是凡夫云捨惡業者揔釋行

福得生之義，又淨影釋三福相云初門共凡夫法，第二是共二乘法，第三大乘不共之法。靈芝同之又嘉祥云初一是世間凡夫善，第二是小乘善，第三是大乘善。上記又就此三福之中或有一人等著上文正弁三福行相全亦約人判單複及無分即有八人文闕兼行上下二福之人意必應有也三福俱不行者即名十惡邪見闡提人者三福無分人不出此三種謂無分人中或有十惡人或有邪見人或有闡提人非必一人皆具三也言九品者至丈當

弁者上丈並標三福九品然至釋中但解三福不釋九品而讓文中故云當辯次下結中但結三福不結九品亦此意也

本曰十四就下至三品義竟

釋云上來第一料簡略解三福九品已竟自下第
二釋三輩中丈自爲三謂上中下上輩中三一丈
前料簡十一門義二正別解上三品丈三揔讀上
輩全則其初於中有三謂標釋結標中十四就上
輩業者次於第十三觀故云十四於三輩中是遇

大機故云上輩是大乘行名。恐行善未至文中故云文前簡異。上輩三品別釋故云總也。云十一門者諸師不知文有隱顯而以三心唯屬上下不涉八品。今家號知經有隱顯安立一百番義。欲令行者識知九品行人皆具安心起行而得往生之義。義門最要是故三輩文前各作十一門義。今易識知也。釋中一者總明告命等者爲說下十門先總告二人十門爲別。告命爲總。往生品類有九階級。今指上三品是名其位三四只是人法不同謂具。

三心人即爲有緣類所具安心即爲正因所言總者無三心者即不得生具三心者必得往生故不論機善惡不問行勝劣一切生者皆具三心此異受法九品各別故名爲總五六兩門亦是人法謂依性欲執法各異是名簡機修堪能行是爲受法謂就有緣論受法時隨其機欲各行已業故名爲別總別雖異其機是同爲分心行說爲三五第七門是修行時分也上盡一形下至十念不經三祇得生業滿不假萬行道場最近最上頓教重顯此。

門孫特順次勵行。今生第八是迴受法。向所求處。
上來八門同在斯土。第九迎接詭於淨穢。此乃穢
發淨始故也。第十十一偏在淨土。於中第十障盡。
蓮華方開。十一聞法苦提漸證。問上上品經。迴向
在前時節。在後全釋。何違。荅第八迴向即有二義。
一別二總。別在時前。謂七日行中。日午迴向。時待
七日迴通。日下故時在後。總在時後。謂七日行後。
總以所修向所求處。故迴在後。是故經釋各申。一
邊。故不相違。總而言之。六七八門。並是同時。然修

業邊爲第六門。行逕時節。名第七門。向行當果。名
第八門。故上上品迴前時。後中品中生先說時節。
後明業迴也。問第八門。迴向三心中。迴向同異。如
何答。三心迴向於安心。中廣迴萬行。第八迴向唯
局受法。迴生因也。問三四五六七八六門。爲是同
時。將爲異時。答機類多種。不可一槩。若約平生迴
心之者。六門同時。謂上五品是也。若約臨終迴心
之者。亦有二類。或有平生具五六七。臨終始具三
四八門。謂中下品是也。或有平生總無六門。臨終

頓具謂下三品是也一百番者此約大數其實十九番也云揔料簡各料簡者合上三品故名爲揔分中下輩故名爲各若具應言就中下輩文前各揔料簡亦得也又此義若以文來勘禁者上上一品具十一門上中上下中下唯有一門無一三四中上下三唯有九門略三四門故云有具不具問下八品略誰所爲耶答此事難知經文略者通佛經家譯者設也

本曰次下先就下至上品上生義竟

釋云上來第一料簡文前十一門義已竟自下第二解上輩文自爲三段謂上中下今則其初於中
有三一初至即有十二標二一從下至揔結釋三
上來下結下八品文三分准知釋中文自爲十二
問文中既有十二料段何故文前立十一門答十
一門者顯得生者即有始終此乃義有十一不同
故立文前十一門義不以文段爲要初釋告命并
定其位中從一等者問佛告已下至上生者爲
一段者若有已下正當第二何云三從若有等耶

又告命辯位合爲一段者唯十一段不可標云有其十二又文前開告命其位以立兩門今至文中何合釋耶荅今分文有開合兩意若約合意應有十一謂一佛告下至上生者此明標二若有下至即便往生此明標舉有生之類已下隨應減數告命其位爲以子段則其意也若約開意應有十二謂一明告命二明辯定其位已下如本標云十二釋云三從則其意也凡就一文中有含容義分科參雜往生有之謂如所覲之形文加入第六大

科內子段見金蓮華之文添釋第四大科中小段等是也三明有緣中生之類者上云有緣今云有生言有緣者約因三心具足者即有往生之因緣故言有生者約果三心具足者即有淨土之生果故故非相違二明能信之人者指經若有衆生句即舉具三心人而唯信者三心之中深心是勝故偏標之華嚴云信爲道源功德母智論云佛法大海信爲能入寫綽二師唯約信心而釋三種信不信也二明求願往生者指經願生彼國者句標

發放求心者應具三心故爲勸三心先舉求願也
三明發心多少者指經發三種心句此欲別明往
生直因故云發三心四明得生之益者指經即便
往生句若具三心必得往生故云即便所言即者
不離之義此語往生當果決定非是即時四明三
心正因中三摠明如來徵答之義二經云下別釋
三心義三三心既具下結初徵答中隨機難知者
上說發心往生之益故名顯益末說三心名相各
爲意密半顯半隱其義可知非佛自問自徵無由

得解者餘文之中雖有如來自問自答末釋此義
然三心是往生要術獨秀諸文故至當文鄭重解
之此乃癡直之心速出生死他力之信不問善惡
一此迴願入無漏境豈非要益唯佛自知故釋此
義二別釋中三所謂三心一釋至誠心中四一牒
經文二解字訓三欲明下廣釋四故名下結初牒
經中經云者餘處釋經未有一處置經云言然今
三心一經樞捷出離最要故別舉聖言勸人令信
又經文總有一十六字解釋餘二百行故言經云而

分經釋但後二心可准知故不言經耳聞三心若要何故如來不說其相荅如來在世機根利故自聞略說廣解了故滅後衆生是鈍根故論師人師而製廣尺勸人令解如起信論四根文也二弁字訓中至者真筆者問玉篇云至極也善也到也比未見真訓荅字訓非一豈執一隅天台疏云至之言專誠之言實上慈行鉢云訓釋多端勿局常聞不可一准上問真實心分齊如何荅先師云住往往生思起行不飾名真實心也有人云至誠者強盛

也則發一念真實之心名真實心也
蓮華谷等之趣有人云先知其機可驗其心然淨土機不堪聖道怯弱下機只局涯分窮其心故名真實心彼強盛義有嫌機各不被甘心勝願院私云後義叶先師傳彼強盛義若被上機如龍得水故有巨益若對下機似踏虎尾還生怯退三廣釋中三一欲明下至心中作約勸門而明真實心二不得下至亦皆真實約誠門而明虛假失三又真實下先標二利於自利中庸約十重厭欣以明真實心初約勸門明真實

心中欲明等者釋迦欲說使得生若具至誠心則指佛意名爲欲明此文雖在上品上生佛意廣通定散衆機故云一切身口意業所修解行者往生之行不出三業謂禮拜行即是身業讀誦稱名讚嘆等行即是口業觀察善解等行即是意業壯福通於三業戒福通二通三行福亦通三業言解行者先解經教次修其行行通三業解局意地云必須真實心中作者若心行具足內外相應三業四儀所修善行皆成生因凡人心操有真有僞君臣

夫婦朋友知識相交皆有此真僞心今入真門願往生時尚有真僞若真即生譬如勁松彰於歲寒若僞不生猶似佞臣見於國危全至誠心者真而不僞之心也首楞嚴經云我教比丘直心道場於四威儀一切行中尚無虛假因地不直果招汗曲若諸比丘心如直絃一切真實入三摩提永無魔事維摩經上云直心則是菩薩道場是故菩薩成佛之時不諂衆生來生其國上二約誠門釋虛假心相中四一不得下正誠虛假言誠外相現賢善精

進內心懷遇惡懈怠二貪瞋下至不名真實也釋
虛假之由何故起虛假心由貪瞋邪僞之心慚求
名利故現虛假相也邪僞奸詐四字皆誦曲不實
之義故以內外不調心名虛假其意明焉心曲如
蛇害物如鷙涅槃經第四名字功德品云善男子我涅
槃後無量百歲四道聖人悉復涅槃正法滅後於
像法中當有比丘似像持律少讀誦經貪嗜飲食
長養其身身所被服羸陋醜惡形容憔頹無有威
德放畜牛羊擔負薪草頭鬢髮凡悉皆長利難服

袈裟猶如獵師細視徐行如貓伺鼠常唱是言我
得羅漢多諸痛苦眠卧糞穢外現賢善內懷貪嫉
如受噏法婆羅門等實非沙門現沙門像邪見熾
盛誹謗正法如是等人破壞如來所制戒律正行
威儀說解脫果難不淨法及壞甚深秘密之教各
自隨意反說經律而作是言如來皆聽我等食肉
自生此論言是佛說互共諍訟各自稱是沙門釋
子上不空羅索經云內懷腐朽外現賢善方便作
行貪求名利自捐損他共入地獄上智論第五云

無復懈怠已捨利養名聞者是利養法如貳壞功德本辭如天雹傷害五穀利養名聞亦復如是壞功德苗令不增長如佛說辭喻如毛繩縛斷腐截骨貪利養人斷功德本亦復如是如偈說得入栴檀林而但取其葉既入七寶山而更取水精有人入佛法不求涅槃樂變求利供養是輩爲樂欺是故佛弟子欲得甘露味當棄捨雜毒勤求涅槃樂辭如惡雹雨傷害於五穀若著利供養破慚愧頭陀今世燒善根後世墮地獄如提婆達多爲利養

自沒以是故言已捨利養名聞上安樂集云一切衆生皆由多虛少實無一正念以是因緣地獄者多解脫者少辭如有人於自父母及以師僧外現孝順內懷不孝外現精進內懷不實如是惡人報雖未至前途不遠無有正念不得解脫上終南山云賢聖密行外愚內智凡夫狂癡外智內愚未有戒定示戒定相此是無刀大賊罪於劫盜上弘決四云能修四安樂行一生得入六根極大遲者不出三生若爲名聞利養則累劫不得上雖起三業

等者聞虛假人何起善三業答此是虛假三業而
非真實三業意云好飾外見令他表知有善三業
者起行三業即指上云身口意業就此起行以釋
安心虛假相也已上或雖起三業者身口業行及
能等起思且名三業雖起三業闕善心故不成往
業意樂惡故名爲雜毒例如古迹引瑜伽論利益
殺生文云菩薩若見欲作重罪發心思惟我若斷
彼眾生生命當墮地獄如其不斷彼罪業成當受

大苦我寧殺彼墮那落迦終不令其受無間苦如
是於彼或以善心或無記心知此事已爲當來故
深生慚愧以憐愍心而斷彼命由此因緣於菩薩
戒無所違犯生多功德此闕煩惱故無所違犯意
樂善故生多功德上同宗要云問既生功德何名
性罪答意樂雖善方便惡故已今之三業翻之可知
有人云因等起心雖是虛假剎那等起起善三
業名起三業意云心住名利不欣淨土屬因等起
暫時所起善三業者非往生業故名虛假蓮華有

入云案文大意初欲明等者明一向真實相次不得罪者明一向虛假相然機有多類故自有多虛少實等別非釋本意何必今文相當剎那等起之義今云此破一往似宜再往不允謂因等起感異熟果剎那等起不感果報剎那等起廣通三性及以睡時設起善心不引生故猶可歸於一向虛假彼約剎那故許善意三業之語不虛設故若約感果非實三業若惡若善俱不生故三業作下明雜毒善往生不可所謂虛假安心之者起三業行縱

勵身心十二時中如拂頭燃其所修行皆名雜毒非是生因故言不可但苦勵之言只是假令之義既云縱使豈是實義又謂凡夫名利如江海厭欣似泊靈予見世間若欲現此人必勇猛若求後此人必懈怠如何偏言虛假之者不作苦勵身心之行縱使言顯不定義耳欲迴等者非謂虛假直求淨土只是釋家爲顯雜毒善不成往因故縱許而言欲迴等也又有計設不調心稱佛名著往生宣因之輩若無安心非本願念佛何生淨土此是戒

禁取見故。今文示誠此見耳。四何以故。下正明往
生不可。所由謂。彼佛因中行皆真實作。故所得之
果不招汗曲。欲至彼土必須真實相應所求。若
心不實無由得生。但菩薩真實強聖心堅固。故行
者真實弱。凡心羸劣。故強弱雖異。真實相順。謂佛
願強。故以攝行者弱心。令生淨土也。辭如天日火
性。是強。地下水精火性。是弱。雖有強弱同火性故。
以珠對日火即出生。彼佛此凡真實強弱其義可
類施。爲趣求者下化名施爲上求。爲趣求若曲分

別四十八願十二十三十七三十一三十二五箇。
願以爲趣求自餘四十三願以爲施爲。又四十八
皆是施爲。皆是趣求。一一擧願皆通自行化他。故
也三重明真實心中二一標二種真實。二但釋自
利真實於中有三一總約厭欣明真實心。二別約
三業厭欣明真實心。三不善三業下合結三業厭
欣。所以不釋利他真實。謂以自身所具誠心教他。
全行故知自利已利他自可知故。如孝經云。先王
行至德要道奉利則遠者和附近者。勝親也。所謂

臺已化人廢此二義萬姓不憎父子相怨其數然
也比摠明真實心中想同一切菩薩制捨諸惡者
具縛行人制思雖不及菩薩制思而起意樂想同
彼類既云想同豈是全同見賢思齊雖愚是賢如
弘決云若恣結便失_使後世善財妨於佛道設
使心起不令口起設若口起不令身起設使身起
不令作大罪如凡夫此是得攝菩薩大人數中上
聖道既爾何況淨士別明口業中若非善業者敬
而遠之者譏嫌之敬而非實敬又敬有慎別明

身業中輕慢厭捨者衲衣不隱肩節量不滿鉢如
彼空也僧賀等類結三業中不離内外明闇者內
謂內心外謂外相若用日月燈燭光照名之爲明
翻之爲闇若虛假人明外是賢闇內是愚由曲內
心糾飾他見若真實人內外明闇無有差別唯於
菩提不求名利故云不簡二釋深心中四牒經
文二明深心體是信心三亦有二種下明信相四
教名下結二明體中言深心者即是深信者問以
深心屬信心有何文理答佛法大海信爲能入一

一切出離行無不由信成今放淨土應具信心是其理也文者本願云至心信樂欲生我國言至心者是至誠心欲生我國是迴向心文言大同中間信樂豈非深心信謂忍許樂謂愛樂愛是信功故云信樂但有寬狹信緣四諦愛緣滅道今信淨土亦是愛樂淨土論云愛樂佛法味所言愛樂非染污愛今亦如此問前後二心不置深名何局第二名深心耶苔疑心易起信心難成謂別行人多破往生爲之失信疑怯心起便從輪迴是六失故別置

深言誠其孤疑立真實信以除猶頑不定之心故下文云真實深信等是故不爲四重破所動亂破壞以此分齊名爲深心前後二心不爲破人所動亂者依信心功故不云深三明信相中文自爲二初略後廣合有四段第一第三明其機分第二第四明其行法但初二段置一二言三四二段不標其數是故一二之言兩次用之謂一之言貫通第三俱明機故又二之言下通第四俱明法故選擇元建立二種信心決定九品往生比二種信中豈

闕三曰初略釋有二一信機二信法於中有三一
依大經信彌陀願二依觀經信釋迦說三依小經
信諸佛證次廣釋亦二一就人立信二就行立信
初文有四一又深信下至真佛弟子結上三經勸
行者信二又一切行者下至往生之大益也別就
觀經勸其信相於中外四一初至不悞衆生也摠
明信行之意二何以故下至實語故正明信行所
由三除佛下至應知正明佛菩薩所說有不了不了
異四是故今時下明勸有緣令信佛語三又深心

深信者下明對治他妨成就信心即有其二一釋
他妨導不所傾動二正施問答廣釋信相四此名
就人立信者結也次就行立信有三一標章名二
然行下釋二行中二一初至雜行舉二行名二言
正行下至悉名雜行釋二行相於中再二釋正行
二釋雜行初文亦二一正釋五種正行二又就下
分別助正二業三若修下判二行得失起盡可見
又一義云第一信者先明機本性未論法益故第
二信中始分就人就行二種信也信法中二一從

初至決定得生略依三經方信三佛二又深心下廣就人就行立信孰人中四如第一科就行中三如第一科一者決定深信業者此信自身機分謂無始以來由罪惡故無出離緣輪迴六道未出生死若不遇弥陀願力者何時出生死耶凡諸教中未有此信唯在鑿心性珠以顯本有理今則不然先信顧我機分無出離期次信佛願以攝此機是時往生之信指掌聖僧之教證定之言深仰此說耳常沒常流轉者言常沒者局於三途言流轉者

通於六道若沒若流久在生死故名為常無有等者問今云無有出離之緣禮讚云善根薄少豈不相違答無始衆生何無一善善微惡著不出火宅故今云無間觀念門云佛三種願力以為外緣至誠等三心以為內因何得云無答勝願院云彼約解義門謂感果法必由因緣故今約勸化門謂若思自有內因者信佛心弱故為偏信他方佛願於自身者全無因緣唯信佛願欣求往生住此念佛信力強盛正詫佛願方得往生則是此宗出離故

實又彼觀念門一往解義全文再往真實解義所
以然者一切淨土不論報化皆屬依他况彼極樂
判報土故凡夫修善何得往生凡夫所修不出遍
計遍計之心何成生因今云無緣真實解義門也
今云無有等者擇信心相此信心爲內因佛三力
爲外緣故兩處釋不相違也四十八願攝受衆生
者彼本願中雖有佛身淨土兩願莫不爲生佛光
無量橫化十方佛壽無量擷攝三世諸佛稱揚欲
其機多淨土光嚴爲置衆生故自行願皆兼利他

般舟讚云二擇願爲衆生淨影義寂等皆同之
無疑無慮者疑慮即是深心所治故云無耳證讚
彼佛依生二報使人欣慕者定散行成方得往生
有此益故令人欣慕不顧身命者輕於身命名爲
不顧此有二類若其上機頓捨身命如傳中云或
投身高嶺或棄命深泉或自墮高枝攀身供養者
略闇凶遠向百餘人已若其劣機不能頓捨纏生
意樂臨命終時一向不顧身命財也太賢云後學
菩薩於身命財全捨與之初心菩薩不能當時施

與阿難發願上聖道尚尙况淨土平遣捨行去者
三經所說大同小異如大經中捨三毒及五惡令
行三善五戒又捨諸行令行念佛即三輩中一向
專念是也如觀經中捨九方淨土偏令樂西方又
捨亂想及以小心破戒不孝十惡五逆令行定善
及以大乘五八等戒敬上慈下迴心念佛又捨定
散唯勸念佛付屬文云持無量壽佛名是也如彌
陀經中捨小善根令行念佛此乃隨所化機宜致
使有其同異也所言去者令去火宅三經皆同教

意願者如次釋迦說教證誠佛意彌陀佛願以斯
三隨順名真佛弟子不悞衆生者若信行者不失
自往生亦不悞衆生今舉不悞他下明不自失示
何以故等者此有二由一佛大悲哀傷衆生故二
佛語真實無虛妄故云除佛已還等者正明學地
不及極果正使習氣名爲正習煩惱所知名爲二
障具如玄記云測量佛意未能決了者法華云盡
思共度量不能測佛智上雖有平章者玉云平符
兵切正也章諸良切明也上正驗佛教序分義云

吾共夫人秘自平章云不印者即同無記筆者不能記說於法體相名爲無記說若無記即無利益云無利益利者對襄益者對捐利淺益深此即一往其實利益互通或深云若佛所有言說即是正教筆者此有三對一教義對能詮名教所詮爲義二行解對解教曰解修行曰行三業智對福德曰業智慧曰智佛離邪曲其說正直故通名正云若佛所說即是了教筆者問依唯涅槃四依小乘是不可大乘是了教全何約因果而分了不了答隨

義轉用又群疑論五引觀經疏以述四重了不了
義即知了不了義其相非一何執一途但彼疏未
檢其義出在四分律鈔講前加行方便第一江東抗州
華嚴寺沙門大覺撰云依涅槃經聲聞乘法猶如初耕未得
果實是故不應依聲聞乘門如是名不了義也大
乘之法即應依止是名了義若依此理諸大乘經
名了義聲聞乘名不了義然瑜伽論三十五說豈
諸大乘皆爲了義如契經說辦欲即是道患癡亦
復然故大乘經非皆了義今以義解了義略有四

重一法印非印門二詮常非常門三顯了隱密門
四言略語廣門第一法印非印門者法印有三一
者諸行無常二涅槃寂靜三諸法無我若一切教
爲此三種理印所印名爲了義違三法印即非了
義由此道理三藏十二分教無非了義皆順三法
印之理非顛倒能捨煩惱與業及諸苦故諸外道
教皆非了義非三印子非不顛倒不能永捨惑業
苦故涅槃云一切外道所可言說悉是妄語故唯
有佛語是了義經順三法印可歸依故其佛所說

毗奈耶亦可歸依第二詮常非常門者如涅槃云
聲聞乘者名不了義無上大乘乃名了義若言如
來無常變易名不了義若言如來常住不變是名
了義瑜伽決擇七十五說世尊往昔雖爲發趣聲
聞乘者以四諦相轉正法輪雖是希奇然有上
是未了義即顯大乘是了義經聲聞乘名非了義
此中一往依乘所明非諸大乘無不了義非聲聞
乘離無了義第三顯了隱密門者瑜伽論云諸菩
薩於如來所深植正信深植清淨一向澄清唯依

如來了義經典非不了義經典爲所依故於佛所說法毗奈耶不可引集以佛所說不了義經依種種門弁本性義由未決定當生疑惑非不了義故即依此文於大乘中顯了言教名不了義隱密言教名非不了義言告顯了所誼究竟名爲不了義言非顯了所誼之理又無究竟名不了義第四言略語廣門者謂雖是大乘明顯之教初但略說誼理未盡所明未周名爲不了不是所誼非究竟理名不了也由此即顯諸聲聞等亦有不了義其言廣略名不了不

了非約所誼理是究竟非是究竟名不了不了若准此義大乘經中亦有不了不了義小乘經中亦有不了不了也此上四門初門爲令衆生捨邪歸正離生死名不了不了一切佛經皆名不了義外道所說名不了義第二門者爲捨小歸大名不了不了一切大乘皆名不了義諸小乘教名爲不了第三門者爲令捨隱歸顯一切大乘顯了言教皆名不了義雖是大乘說法隱密名爲不了第四門爲令知廣略名不了不了諸重頌離言略不盡皆爲不了非重頌離言廣

盡故名為了義。比准此文了不了義既不一准是。
故今文約因果判了不了云是故今等者明勸有
緣今信佛語謂佛菩薩教中偏依佛經信受奉行
可得往益若信論丈疑礙經說廢失往益是故不
可疑經信論廢失大益言攝論設雖不許凡夫得
生深信佛語不可依論况論不言凡夫不生此乃
爲破通論家謬剩作此釋此是況破非實不用若
實不用何玄義中會通論丈若尚拒執依經不可
依論故云不可信用云深心深信者經釋兩言並

舉而已決定建立自心等者斯明建立決定往生
信心隨順此教修淨土行永不爲他之所退動別
解等者學故生解解故生見見故生執由斯不許
往生淨土但解等次非是生起故下丈云異見異
學別解別行別異二字言異意同云問曰乃至多引
經論者維摩瓔珞仁王等經地持瑜伽唯識等論
皆明初地三地菩薩始見報佛不許凡夫亦生報
土苔中有四重初一重明對破人會違丈可增長
往生信心後三重明重對破人以舉賢聖佛果一

一縱苔更河彌增往生信相初重文中時處機益
別者如來教旨必待時舉是故半滿教異二藏宗
別豈可得言華嚴專大於佛法中都無小乘又不
可判阿含唯小於佛教中總無大乘今亦如是彼
即對斷證之機爲令昇進上位且約自力門說凡
不入報土今即對常沒之機爲令往生淨土即約
他力門明凡能入報土佛意既通行者何謹通說
人天菩薩解行者此中缺二乘備應云五乘云百
千萬億導不生者准下若一若多遍滿十方之言

應是破人貞數云增長成就我往生信心者本自
具信故值違緣而施信用故云增長例如彼云猶
摺金山風增求羅第二重中地前菩薩羅漢等者
二乘三賢斷惑同故爲一類起信論云如二乘觀
智初發意菩薩等覺於念異念無異相似以捨離分
別執著相故名相似覺比第三乘中初地等者同
斷二執證二空故合爲一類異口同音皆云等者
問何故上二重引經論以設疑難自下二重直非
佛說不引證耶苔初二二類未證位故若不引證

所破不受故引經論以設難破地上證位得佛智
故雖不引證人可信受故不引證專心念佛等者
言念佛者本願稱名言餘善者定散諸善決定上
上信心等者問何故第一重云我往生信心第二
重云我清淨信心第三重云我決定上下信心荅
且從破人位淺深故分別其言謂清淨者信是淨
分疑是染分故云淨信言決定者信不動也言上
上者能破之人超凡超賢故云上今對此人立
決定信故名決定上下理實互通第四重中化佛

報佛者報化雖異同佛果故以爲一位云何以舉
者明不受破所由於中有二一初至一佛所化立
理救破二即弥陀下至其事也引證契理理者一
佛一切佛之道理也證者即弥陀經之證誠也初
立理中前佛制斷等者此文正引止惡修善諸佛
道同用顯凡夫專念專修定生彼國當知三世諸
佛法同釋迦皆說定散及以念佛方生淨土凡以
惡業爲出離因又以善根爲地獄因無有是處今
亦如是諸佛大慈勸歸淨土若其虛妄無有是處

十惡破戒五逆謗法臨終迴心刹那即生最上頓
教不敢狐疑逆謗猶生况其餘乎一念猶攝況常
念乎十善訓六度者恐以七支爲第二度以不慳
貪爲第一度以不瞋恚爲第三度以不邪見爲後
三度專念專修者言專念者對四助業言專修者
對諸雜行次教證中引經四文初二直明釋迦讚
勸三四二文引他佛證問何故三四文違經前後
耶荅今引證不能詮教以爲本意是故先引教證
文引教證文已次以念佛誠實文釋迦讚勸亦先

讚後勸故此四文前後相符惡時等者此舉五濁
但闕命濁更加惡世界時即劫濁衆生見惱此明
三濁有本無見字惡邪無信即當見濁無命濁者
短命之因在見惱濁故以此二攝命濁也厭世界
者摠舉娑婆五濁國立一切凡夫不問罪福多少等
者此經唯云善男善女然唯觀經而云罪福此經
唯云一日七日然唯大經而云百年三經同說念佛
一行苦罪若福若延若促各說一唯其實互通故寄
釋耳斯名就人等者言就人者解行不同人也言

立信者就破人立信也謂觸達境立不退信如彼
止觀行人若起惱散寂然之義雖可隱沒而觸違
境彌增明靜今亦如是雖逢破人闡不生說增長
決定往生信心故名就人立信先師一義云人謂釋迦
滿足大悲人故亦是諸佛同體大悲證誠人故丈
標斯二意兼弥陀本願主故此等三佛即是所信
故曰就人言立信者即是行者往生信心此乃能
信依信佛語立我決定往生信心如就行立信中
就所信行立能信心又義云就人立信者廣信上

略釋中罪惡人即爲往生機就行立信者廣信上
略釋三經所說之行也上文則云罪惡凡夫無有
出離今丈亦云罪障凡夫不得往生信機明矣若
無斯信往生信心猶難決定謂佛本願化衆生者
非是小衆生豈我等所堪計知生者則是善根純
熟菩薩爲除此疑就機立信此乃論機當體雖無
出離之緣而乘弥陀本願力方得往生耳今云初
義親丈安四重文就破人言云增信故就行立信
者上就人立信有結無標今就行立信有標無結

此影略互顯問就行立信者就何等行而立信耶
答此有三義一云總通正雜二行以立往生信心
故初文云然行有二種此就正雜二行而立信也
選擇集云往生行有二種一正行二雜行既云往生
行有二種往生之信何局正行但至分別正雜助
正及得失者立信之上探經本意約隨自機判其
得失也不必廣勸隨他之機選擇集云捨雜行歸
正行之文亦此意也此乃觀經所說上六品行即
是雜行十三定善及下三品即是正行今順經文

立二行信也二云今文意者通釋五種正行立信
不釋雜行立信之相正行下皆云一心故亦不判
失故三云就行立信者唯就口種正定一行以立
決定往生信心所謂文首標正雜者爲捨雜行取
正行也是故正判得失而令取捨次正行五種一
一皆就親近等義雖云一心更助正業以爲其要
分別助正二業者爲傍助業選正業也是故今文
意者餘四正行非本願行故判屬助業唯口稱一
行獨順佛願故萬行中唯以念佛爲正業也當文

之意不出此義故選擇集中全引此文以為捨雜行之證况正雜二行則專雜二修而雜修文舉十三失不言立信今之雜行外以可然總雖二行同立信心得往生益而今唯就念佛勸信餘行信相置而不論也凡信有三重一者正雜二行同得生故廣信往益二者五種正行有其得故信親近益三者正定念佛唯信本願決定業益而已言正行等者西方行者極樂以為所求彌陀以為所歸五種皆是彌陀事故名爲正行言雜行者西方行者

雖歸彌陀而行餘法故西方餘事兩相間雜非但行體雜於餘事亦其當果非純西方總通十方及三乘等故名雜行專依往生經者指正依經即壽觀彌陀三經是也問上六品行亦依今經可名正行答專依者是依經旨上六品行則有踈遠等五失故雖在經文而非經正意無專依義故不可得正行名也有云上六品雖舉行名不明行相若欲行其行可依餘經故非專依往生經也行行者上行能行下行所行謂行所行也又正行非一故云

行行謂行比行彼也一心專讀誦舉者一心之言廣通理事定散起行安心理一心者心性平等無有差別指此一理名爲一心華嚴云三界唯一心心外無別法比事一心中有定散異定一心者三昧相應都息餘緣名爲一心玄義分云想心都息緣慮並亡比散一心者雖行散善隨分攝心以等持分名爲一心論註云心心相續無他想間雜上定散一心並屬起行安心一心者心中思定出離要道不假餘法名爲一心故論註下釋三信已云

是故論主建言我一心比又下文云汝一心正念直來所言一心者即三心也又玄義云一心信樂求願往生此指誠心名爲一心故知安心亦名一心五種正行皆云一心應是安心專讀誦舉是起行故况辭說一心既是安心法說一心亦可安心讀誦者對文爲讀諳誦爲誦問讀誦正行出在何文答大經下云闡是經法歡喜信樂受持讀誦如說修行上問讀誦正行與上千品讀誦大乘同異如何答有寬狹異謂上行廣通諸經讀誦正行

唯局三經問若尔上卜備有正雜二行云何上六品行偏屬雜行答從多分故一心專注思想觀察等者停心一境名爲專注即是等持通於思惟及以正受思惟爲思想正受爲觀察出定入定憶持不忘名爲憶念若禮即一心等者問禮持正行出在何文答淨土論中立禮拜行又龍樹十二禮及彌陀章中偏頂禮彼佛若讚嘆供養等者開合之義如選擇集問讚嘆供養出在何丈答言讚嘆者大經上云若有衆生聞其光明威神功德日夜撫

說至心不斷隨意所覩得生其國又淨土論立讚嘆門又彌陀章以偈讚嘆言供養者大經下云懸繒燃燈散華燒香以此迴向願生彼國傍依經中亦有此文般舟經云有四事供養飲食衣服卧具湯藥已一心專念彌陀名号者摠明常念之相次行住坐卧不問時節久近念十不捨者別釋常念之相謂人威儀不出行住坐卧各於其中皆有久近行久近者咫尺往來以之爲近千里遠行名之曰久餘住坐卧例行可知若久若近不忘名号是

名念不捨也。問一食之間尚有間斷如何。一期
念不相續。答。此釋行者用心意樂也。我等未出三
界火宅。今值本願大善名号。是多生之大慶。豈不
捨衆事。念名號哉。居緒如失。迫我短壽。今生空過。
出離何時。著脫之思。且暮河忘。但凡夫行者。雖住
此念。而驛馬難繫。家拘自馴。善心甚勤。貪瞋競起。
隨犯隨懺之故實。豈非凡夫修行也。謂其止惡則
許。念時日謂其修善。亦勸一十萬莫謂初心實無
間隔。只是行者用意而已。是名正定之業。順彼佛

願故者廣本。選擇云。稱名念佛。是彼佛本願行也。
故修之者。乘彼佛願。必得往生。由願不虛。故以念
佛爲正定之業。乃_至但正定者。法藏菩薩於二百一
十億諸佛。擔願海中。選定念佛往生之願。故云定
也。上抑昔祖師上人。時年四十三。承安五年始歸。
此文。唯修念佛。此文意云。往業雖多。大分爲二。一
者正行。二者雜行。踈阿彌陀。以爲雜行。親阿彌陀。
以爲正行。其義易解。然後五正行中。唯以稱名
念佛。一行名正定業。其由難。弁其理易。迷是故疏。

主正憐迷徒以示津云順彼佛願故彼佛願者即大經說四十八願中唯以念佛一行而擔往生行因參上人得此文如闇得燈如渡得船即捨本業一向念佛念佛則是生因本願之行餘行非本願行故也是時求往生之人雲來市集上人訓以念佛一行門人併信此勸年尚所謂大原座主安居院白河先師長樂寺西山竹谷等也又後禪林寺毗沙門堂上人滅後同歸此義蓮華谷云諸行非本願昇蓮房說妙香院云諸行非本願十九來迎二十果遂云即

名爲助業者若念佛者心念口稱常能勇猛不必兼助若有行人其性懶墮數怠念佛則於其時修助勵正所謂讀誦三經其文專嘆念佛功能是故讀誦勸心令行念佛又觀相好其相光明遍照十方此界念佛衆生攝取不捨乘此觀力除懈怠心令行念佛又禮拜時瞻仰尊顏始自鳥瑟終至金臺莫非弥陀願力所成清案願趣莊嚴佛身偏爲衆生速生淨土奉事彼佛得生秘術專在名号須殺頭然一心稱念我昔何罪懈稱名如此想時被

助其心令行念佛讚嘆供養助成之義准上可知
又助正義隨機不定若正定業行難成故更修助
業大事方成謂稱名雖滅多罪而就此機更加助
業滅罪生善方可滿足往生大益如彼道珍禪師
夢見由不讀誦弥陀經故不乘往生之船故先師
云若行禮等助業之時應作是念此是決定往生
業也又泛孝衆典助正義非一智論九十八前五
度爲助般若爲正摩訶止觀七以戒定慧三學助
止觀法華記一云已聞般若復聞非常恐其隣國

正助合行因得大益上又有重運身口助發意業
之義三釋迴向發願心中四一牒經文二言迴向
下至故名迴向發願心也釋第三心體三又迴向
下至發願心重牒第三心明二心具足四又言迴
向下至亦名迴向也明還想迴向初牒經中迴向
發願者迴一切善願生淨土即名迴向發願心矣
夫引當眾以願為最故用發願迴向心也智論七
云問曰諸菩薩業清淨自得淨報何以要須立願
然後得之辭如田家得穀豈復得願苔目作福無

願無別標立願為導御能有所成乃至復次莊嚴佛
果事大獨行功德不能成故要須願力辭如牛力
雖能挽車要須御者能有所至淨世界願亦復如
是福德如牛願如御者問曰若不作願不得福答
曰難得不如有願願能助福常急所行福德增長
比開論開迴向發願以爲二門今何合爲一心答
朱門開合隨時不定趣求同故合說一心直狹異
故開爲二門淨影云直余趣求說之爲願授善趣
求說爲迴向比二正釋心體中二一明所迴向善

根二以此自他下正明迴向淨土初中亦二一自
所修善二隨喜他善自善中有三門一過現門二
三業門三出世門隨喜善中可有三門文缺過
現自善過現門中不云未來若准華嚴迴三際善
根判定記云一未來善根雖未有若發願願薰成
種攝持力故未來所修任運往向衆生菩提玉待
更迴向也二依此教中菩薩乃至修一念善攝法
性故遍於九世故用彼善根迴向也比令除未者
過現善根造業決定其相應著因果力強淨土三

經一論皆迴已造善根故由此文理迴覲過善根
故彼此兩經各據一義並不相違出世善根者
於三福中初福是世善後二出世善或人天業因
名爲世善出離業因名出世善或有漏善名爲世
間以無漏善爲出世間隨喜他善者因果經云
若育貧窮人無財可布施見他修施時而生隨喜
心隨喜之福報與施等無異上喜施既然餘善亦
尔如止觀七云隨喜者名爲慶被佛既三轉法輪
衆生得三世利益我助彼喜又我應勸化令其生

善其善自生是故我喜喜三世衆生福德善三乘
無漏善三世諸佛從初心至入滅一切諸善我皆
隨喜亦教他喜如買賣香傍觀三人同薰能化受
化及隨喜者三善均樂已上買賣香辭在智論三十二閻世間人
天少善悉應往其界報云何言迴生淨土業耶荅
群疑論問曰若本期心生天受戒垂至終日願生
西方即生將先所受戒無作功德招淨土報如何
復能感阿僧祇之命根也釋行者本難受戒願生
生天中復遇勝緣願生淨土行雖劣弱以後願強

資前戒品轉增殊勝與佛願合壽命遐長比又文
句四云問人天少善應住果報云何言皆已成佛
道等此應明三佛性義大經云復有佛性善根人
有闡提人無則是人天小善他頭舉手乃至昔方便
未開謂住果報今開方便行則是緣因佛性能趣
菩提成顯實之義也上記云三佛性者過去微善
願智所制咸趣菩提火焰向空理數咸滅水流趣
海法尔無停徂由願智未資便封果報故待今開
方是緣因若據化意何待此開苟順凡情立以近

稱今開近報法界本如豈由凡情局彼流焰開中
雖立善不受報而不明善體本融但衆生無始唯
流妄我凡所修習未嘗不俱不受報言爲從誰立
若約已發心者乃由願行所引何關善不受耶未
發心來隨生納福此善豈制令不受耶故知不受
之言善體無力應知曾酬者其因已謝夫酬者毫
善不亡若曾發心如水寄海酬局因者如果酬華
故今於彼未酬之因開其局情及曾趣向權乘道
者以一實觀一大弘願體之導之上問迴過夫善

者爲局未酬爲通已酬若云局者大乘實說善從
真如起其善何不歸理法事讚上云全身舍利碎
體舍利齊心供養近則人天獲報富樂長劫隨身
遠則淨土無生尅果則涅槃之常樂比供養舍利
感果如此以實論之何善不然法華玄七云權法
各有所趣戒善等近趣人天若作緣義低頭舉手
遠趣佛果上若云通者法華記云應知曾酬者其
因已謝未酬者毫善不亡比荅已酬未酬俱是妙
有何中止耶但其因已謝者指酬近果邊非無至

遠果故上文云過去微善願智所制咸趣菩提火
焰向空理數咸滅水流趣海法亦無停比故知智
火之煙終登第一義天洪水之流咸歸薩婆若海
既爾宿善如恒沙往生果何空二正明迴向中真
實深信心中迴向者心若不實心若有疑迴願之
心亦不成立故率前二心相須第三心故次下文
中亦帶前二心守護願心又禮讚中釋深心云真
實信心皆此義也三重牒第三心明二心具足中
四一重牒心名二必須下至得生想明以至誠心

而須迴向三。此心下至多得益也。明具深心作迴
向心。四又白下明用辭。守護信心。初牒心名。中迴
向發願。舉往生。因所言生者。標往生果。因果並舉。
故加生字。或本云願生者。此舉經釋兩言也。三以
深心護。迴向心中。二一初至大益。先明以信心護。
迴向心。預舉二河意。不生怯弱。二問曰。下正明施
問答。決一生修福念佛。直生淨土。初預生後辭中。
一心投者。則是妄心。正直進者。是起行也。迴顧落
道者。若聞喚聲。欲歸東岸。故云迴顧。自從白道可

落水火。故云落道。二正施問答中。先問次答問。則
舉別解。別行人難意解。行不同邪。雜人者通論三
階等師。不許往生。名爲邪雜。既壞正見。故名爲邪。
見計非一。故名爲雜。或說者先標疑多。又障難非
一。故云或也。或云者別出一疑。真造十惡五逆等
者。如日觀記。閉上深心中。有此問答。何重問答耶。
答上問。凡夫難生。故云一切罪障不得往生。今問
一生修福難入。故云。云。一生修福念佛。此乃弥
陀別願攝受。一切衆生。上問。頓教一乘一乘。蓋成

今問其義可知次答中諸佛教行數越塵沙等者
疑者偏執自義不許淨土出離爲除此迷先舉佛
敎數多辭如下正以眼見辭喻顯洪功能此有五
對明闇一對顯念佛法有滅罪力空地水三顯念
佛法有生善用火成壞一顯念佛法並有滅罪生
善二用先師云如世間有待對法往生亦有待對
義且下上品一聲對十惡下中品一念對破戒下
下品十聲對五逆皆悉滅罪生善命終一念頓生
彼土爲顯斯意用此待對且舉念佛餘法亦余問

智論中立難解易解二空今言空者二空中何答
正當易解云空含有故問火成壞何義答實火大
者能成色焰假火大者可通成壞千差萬別者即
顯不盡智論六十八云一切有爲法各有增上增
上者共相違相違即是怨賊如水得增上力滅火
火得增上力則消水乃至草木各有相害何況衆
生菩薩摩訶薩有大悲心雖不與衆生作怨而衆
生與菩薩作怨菩薩身有爲法故能作留難此隨
出一門等者塵勞門有八万四千解脫門亦有八

萬餘門人之機不假餘門斷惑入理謂多貪人以無貪善而對治貪隨斷餘惑出離生死名為隨出一煩惱門從無貪善入解脫時隨得入於一切解脫名為隨入一解脫門多贍等機例亦如是阿含五百比丘各說身因淨名三十二菩薩不二法門首楞嚴經二十五圓通則此義也汝何等者明各行有緣一行不妨他有緣行行者等者明解廣學一切行別修一行四明辭喻中四一明用辭意二辭如下至是喻也正明辭喻三次合下至何極也

明合喻四又一切下明勸白道解而結心名二正明辭中二河白道者辭意似涅槃經彼經二十三云我從往昔無數劫來為是身心造種子惡以是因緣流轉生死在三惡道具受衆苦遂令我遠三乘正路菩薩以是因緣故於已身心生大怖畏捨離衆惡趣向善道善男子辭如有王以四毒蛇盛之一篋令人瞻養餒飼卧起摩洗其身若令一蛇生瞋恚者我當准法戮之都市余時其人聞王切令心生惶怖捨篋逃走王時復遣五旃陀羅拔刀

隨後其人迴顧見後五人遂疾捨去是時五人以
惡方便藏所持刀密遣一人詐爲親善而語之言
汝可還來其人不信投一聚落欲自隱匿旣入聚
中闖着諸舍都不見久執持坂器悉空無物旣不
見人求物不得旣便坐地聞空中聲咄哉男子此
聚空曠無有居民全夜當有六賊來汝設遇者
命將不全汝當云何而得免之余時其人恐怖遂
增復捨而去路值一河其河漂急無有船筏以怖
畏故則取種々草木爲筏復更思惟我設住此當

爲毒蛇五旃陀羅一詐親者及六大賊之所危害
若度此河筏不可依當沒水死寧沒水死終不爲
彼蛇賊所害則推草筏置之水中身倚其上手抱
脚踏截流而去既達彼岸安穩無患心意泰然恐
怖消除菩薩摩訶薩得聞受持大涅槃經觀身如
墮地水火風如四毒蛇見毒觸毒氣毒齧毒一切
衆生遇是凶毒故喪其命衆生四大亦復如是或
見爲惡或觸爲惡或氣爲惡或觸爲惡以是因緣
遠離衆苦已又大論二十七云譬如有行挾道一

邊深水一邊大火二邊俱死比此等辭與全有同
有異更檢他說問此喻爲是三心揔辭爲迴向心
別辭答此是別辭非是揔辭文在第三心中故以
白道喻願心故辭後結迴向心故問上文既云說
一辭喻守護信心又下云信順二尊之意又云汝
一心正念等豈非是壁前二心釋成其義但守護信心
離故今明願心帶前二心釋成其義但守護信心
者信能護願心辭亦護信心念其願心堅固而已
故上云真實心中迴向願作得生想此心深信由

若金剛則此意也一是火河在南者掣水出火名
爲火河謂從貪水生瞋火故頌曰謂貪瞋亦慢無
明見及疑上論云頌說亦言意顯慢等亦由貪力
於境隨增上所以置南准五行方二是水河所以
置北亦准五行二河各闊百步者俱舍第十二記
云以五尺爲一步三百六十步爲一里比准之百
步可一町七段餘更無人物者無人及財物下合
壁中但言無人合無善人不言物略具可合善友
所說教法或人則物唯合知識故正欲到迴者迴

迴東方走下南北去去西方若準下文此可有往
若準此文下可有走文互略耳沒一心正念等者
舉第十八願意所謂汝者十方衆生言一心者至
心倍樂欲生我國言正念者乃至十念直來等者
若不生者也又言汝者諸欲求人無他想云一心
無疑慮云正念只是欲求安心而已或行一分二
分者準上即是一步二步三合喻中有合不合於
不合中欲向西行者辭願生心百千里者辭十萬
億刹忽然見二河者若人不求出離時不知煩惱

在身若人求解脫時始悟惑障妨道今求往生方
知惑障故云忽然如止觀云順流之時不覺水急
逆流之時始知水疾已上在南北者辭違順境謂瞋
恚行轉從違境起左象違故貪歡行轉從順境起
右象順故各闊百步者辭一期百年各深無底者
辭所起惑從微至著各有九品南北無邊者辭貪
瞋遍五部境其波浪交遙濕道等者以成就貪即
辭水體以現起貪妨願心辭波浪濕道火燄燒道
准上可知二岸雖近者辭去此不遠迴者辭聖道

行還對煩惱群賊類故走者辭於他方住者合於
都率內院歟去者可知貪瞋強故樂者間流轉還
滅依善惡強弱故釋論云諸染法有力諸淨法無
力皆本下下轉名爲下轉門諸染法有力諸染法
無力向源上上轉名爲上轉門比文理極成何許
貪瞋強善心弱者而猶得往生者聖道淨土二門
雖同止惡修善聖道門機能治力強滅惡障故方
成出離淨土門機雖善心劣住於止惡修善正見
而用隨犯隨懺之時本願加力令微少善以成出

離大義故乘佛願即生淨土若不尔者本願何要
師資決判其義灼然但釋論者偏述自力聖道門
意向以異門難異門乎問上文既嫌具貪瞋行而
言不可今許貪瞋強猶往生一師所釋何忽相違
者上行虛假意樂貪瞋既闕安心故云不可今舉
歷緣對境所起貪瞋安心不闕故有生利所望不
同故不相違凡具決定往生心機雖可非如昔日
然校其實淨心一兩餘悉濁亂猶如龍得小水以
降大雨因佛願力速成大善而得往生相傳如此

然或云他力出離不嫌貪瞋此義令他則住邪見
或云願心微劣不得往生此義令他則生怯退此
二義俱是不得上人相傳之所致耳貪嫌燒功德
者抑功德勢力非滅善體也一分二分者辭一二
年行即喻別解別行者問上以群賤等喻十八界
五陰四大今何相違者群賤類多故所合異自造
罪退失者造罪以後堅執罪體不修如理諫誨之
者退失決定往生願也乘彼願力之道者行者願
心名願力道所以知者上以願心而辭白道今云

不顧水火二河乘彼願力之道故也凡論三心生
起次第者若住虛假心出離不可故起誠心成往
生機成往生機已次信機法相應往生決定若成
此心已後迴萬善方發願也故本願中亦云至心
信樂欲生我國此亦生起次第不亂問三心者是
同時俱起何論生起者亦但今就者等說且解之
也三結文中三心既具無行不成者三心之丈難
在上品道理應通下八品善是故結云無行不成
義亦通被十三完善故云通攝宗善之義文在中

間令通上下定散行也問定散九品所具三心有
淺深乎答有也機有上下心何一品受法不同元
由心異凡善惡心各有九品今之三心何無惑深
淺深雖異心體不別故置一處令通九品問三心
有退耶荅多分不退少分有退言不退者若有勝
機發三心時佛願強臺沸光常照聖衆鎮護東拂
退緣一此之行時節亦短少遇退緣是故不退言
有退者此人軟根雖發三心若遇違緣自有退失
既是凡心何不退乎故今丈云自造罪退禮讚前

序云勸行四修法用策三心五念之行即得往生
然四修中有長時修畢命爲期擇不中止明知三
心可退失故以長時修而護三心五念之行又臨
終要決其義分明又大經及異譚中明中悔者彼
雖暫退義通永退又本願藥師經中悔類淨業先
成豈無三心故群疑論亦存退義問禮讚云蒙光
觸者心不退云何會通荅就不退機論多分德若
有劣機值緣退者非所遠也祖師在世有其諍論
或云三心不退餘人云退上人之意存退義矣問

三心有傍正荅三心俱要有向傍正但對機時應
有傍正謂約虛假增機緣者誠心爲正餘二爲傍
若約疑心增者深心爲正若約不迴向增者第三
爲正取要言之深心爲正以是信心決了凡夫爲
往生機若具此心二心自具二心不余註及安樂
集立三信不釋二心信知三心中深心爲正也問
三心何等心所爲體荅至誠心體古未來決全云
行捨或無貪也法宗原云諂謂心曲由此不能如
實自顯或矯非撥或設方便令解不明諂謂惑他

又云諂是貪等流翻入無貪諂是諸見等流翻五
見爲正見正見還是慧此約華又云諂與貪行相
相似翻入無貪諂謂諂曲翻曲即爲正直正直是
捨故品類足論釋捨者身正直心正直此約行相
識名身意而至誠心內外相應平等爲性心不諂
曲故當行捨如維摩云直心即是菩薩道場故
菩薩成佛時不諂衆生來生其國上又准唯識論
當不諂不諂二心所波無貪癡一分故論六云不
覆諂謂無貪癡一分隨應正翻貪癡一分故又云

云何爲謔爲獲利譽矯現有德詭詐爲性，能障不謔邪命爲業謂矯謔者心懷異謀多現不實邪命事故此則貪癡一分爲體離二無別謔相用故疏云述曰矯謂不實之義謔謔虛僞之稱謂自無德詐僞有德貪利譽故邪命爲依謂矯謔之者心懷非意同與謔計詐現精進之儀難亦癡故行此謔事多現邪命事故對法論云邪命依者據多現也五十五說但是癡分五十八說邪見等流諸謔者必疑唯據定體貪不定故諸邪見者癡增上以邪見

者多現於謔矯現有德故彼偏說此以貪癡二法爲體同於對法上論云云何爲謔爲網他故矯設異儀險曲爲性能障不謂敎誨爲業謂詔曲者爲網憎他曲順時宜矯設方便爲取他意或藏已失不任師友正敎誨此亦貪癡一分爲體離二無別謂相用故上疏云險者不實之名曲者不直之義爲網憎他者顯揚云爲欺彼故謂惑欺於彼而陵網於彼或掩捨之名謂雖事不合曲順時之所宜籠網矯詐設其方便入其所陵故作網羅之字此

等爲取他意，望他看好或順已所求或爲此方便
欲藏已失，謂爲覆罪之因，故不堪任師友，教貪名
利，故謂是貪分無智故，謂則是癡分五蘊論云：謂
霜藏自過，方便所攝故，謂後生覆以累顯因，恐他
說已之惡，故行於謂望他說好，謂覆因也不外覆
謂俱生，故今說謂是覆之因，五十八云：是邪見品
類五十五是癡分，如前證中說比次深心者大善
地信心所也更無異途次，迴向發願心者，欲爲體，
經云：欲生我國故，又註云：願是樂欲義，又云願名

欵樂往生，問俱舍論云：欲謂怖求所作事業，不云
怖求當來累報，答怖求義廣，何唯所作所作必向
當來累報，怖求所作容有累故，又三心各有四句
如授手印

觀經散善義傳通記卷第一



